

# Noye o anndiri d'um

Haala Bureyma Diyallo diga Burkina Faso

Too, min mi Pullo. Nder biɓɓe saare am sappo e jowedido, min mi woni sappo e nayejo oo. Minin fuu, min juulɓe. Nde keɓmi duubi tati, mi nyawdo masin, waato mi nga'iniido. Nde keɓmi duubi jowi, daada am yahri yam haa kawtal ngam nanugo Wolde Allah haa ton.

Mawdo oo tori Allah ngam am. Kaayeefiwol mangol wadi. Kayto, mi fudɗi yahugo. Daada am woyi ngam seyo. Teddungal woodani Allah!

## Yaafuye

Too, nde duudɓe haa caka amin njehi haa lekol, baaba am hoosi goddo ngam wallugo bee kuugal saare. Adamu aarti wolwidgo bee am haala Iisa. O yecci yam no Iisa maayri ngam maako, waato ngam kuuje kallude de o huuwi fuu. Iisa yaafani mo de. O wi'i yam, ngam barka Iisa, min boo mi waawan jabugo yaafuye, waato ngeendam am waawan waylitaago. To mi nuɗɗini Iisa, mi yahan haa asama. Mbi'-mi, "A'a! Allah tan anndi to kuuje boodde de mbaɗmi, de ke'ata boodum haa mi yahoya asama." Adamu yami yam, "Toy njahata, to kuuje boodde e kuuje kallude de a wadi fuu potti kalkal?" Mi waawaayno yejjititgo yamol ngol.

## Dum hayɗini yam

Too, baawo asaweeji seɗɗa mbi'-mi Adamu, mi yidi doftugo mo haa kawtal ngam haa mi toro Iisa yaafano yam kuuje kallude de mbaɗmi. Mi yidaa yimbe saare am annda, ammaa Adamu wi'i yam, sey mi wolwida bee baaba am.

Too, baawo jeende mawnde, baaba am wi'i, o accani yam laawol haa mi waawan yahugo haa ton. O besdi wi'ugo no o yidiri haa mi fudɗa laawol Iisa Almasiihu bee boodum. Dum hayɗini yam.

## Yamde duudde

Nde min njehi kawtal ngal, mi yami yamde duudde haa Adamu dow haala Iisa e kawtal ngal. Mi sey masin bee nanugo gime, koo nde min



ndaayi seɗɗa tawon. Nde min njottake haa hawtirde, d'um nandaay bana haa juulirde sam.

## Tindinoore

Yoo, baawo mawdo waajini, o ewni koomoy gidɗo haa Iisa yaafano mo, tokka mo fakat. Too, mi baditi boo. Gaajoowo yami yam yamde feere feere. Nden o torani yam Allah.

Nde min kuuci, Adamu faamtini yam ko furi waaju gaajoowo fahin. Nden o wi'i yam, "Jonta a laati pukaraajo Iisa Almasiihu ngam o yaafani ma hakkeji."

## Baabiraawo booddo

Too, haa saare kam, mi yecci haala man fuu haa baaba am.

Mi hayɗini fahin, ngam baaba am tindini yam waaju bee Fulfulde ko furi boo fassaruye Adamu! Bana noye baaba am anndiri d'um? Kaŋko o wondaayno bee amin haa kawtal man!

Too, baawo lebbi seɗɗa mi paamdo, nde kaŋko o hokki yam Bibel. O soodino deftere nde wakkati o suka, nde o donno jaŋnga haa jaŋgirde mawnde. Nde puɗɗumi jaŋngugo deftere nde, tawmi no baaba am winnduno bindi seɗɗa nder bakeeje man.

Baaba am suusɗini yam masitin. O walli yam haa mi faama haala nuɗɗinki am kesi e haala Allah fodde ko woni nder Bibel. Kaŋko o burino ekkitingo yam dow Adamu ngam o faamtini yam bee fulfulde. Mi yetti Allah ngam baaba am o booddo fakat.

## Safeende

Yoo, yimbe wodɓe haa saare am, bana kaawu am mo limanjo haa juulirde, ɓe liddani yam masin. Yoo, nde baaba am maayi, deerɗam gorko yahdi bee am ngam laaroygo kawu amin go. Ammaa kaŋko o wi'i o mbarammi fakat. Too, bee maajum fuu mi yeddaay nuɗɗinki am nder Iisa.

# GARANDUM **BADAKE** WARGO

Jariidawol bee Fulfulde fuunaangeere nde Adamawa

7

Burna fuu d'um saɗi ngam am, nde min feere am mi woni pukaraajo Iisa haa nder wuro amin, ammaa



Bureyma Diyallo

Jawmiraawo am walli yam nder cafee de'e. Mi halfini yonki am fuu haa jaŋngo maako haa o hakkilana yam. Nde baaba am suusɗini yam nder laawol nuɗɗinki am, mi wordini wolwugo wolde Allah. Jonta mi yidi wolwugo bee yimbe saare am dow haala Iisa Almasiihu, nde fuu mi hebi laawol.

## An e yimbe saare maada

Ngam haala jaŋgirde am mi joodi bee yimbe saare am tato. Kambe fuu, ɓe puɗɗi tokkaago e dowtanaago Iisa Almasiihu. Mi seyake masin ngam Allah fudɗi hisnugo yimbe saare am. Jonta, yimbe saare am joweego ɓe tokkiibe Iisa. Mi don hooli, nyannde woore saare am fuu hisan. Mi don toro no Allah hisnira ɓe. Wolde maako wi'i, "To a nuɗɗini Jawmiraawo amin Yeesu, a hisan, an bee yimbe saare ma fuu."

(Kuuɗe Nelaaɓe 16:31)

Lisez-vous français ?

Do you read English?

Ka iya karatun Hausa?

Fulfulde	Français	English	Hausa
ɓB ɓe	ils, elles	they	sun
ɗD ɗidi	deux	two	biyu
cC coggu	prix	price	tamani
hH haako	feuille	leaf	ganye
jJ jaŋngo	demain	tomorrow	gobe
le ɗatgo	mordre	to bite	ciza
yY yiyam	sang	blood	jini
ee neene	mère	mother	uwa
oo soodugo	acheter	to buy	saya

# Aadamu e Hawwa nyukki yeeso Allah

En ngi'i no Allah tagri baaba meeden Aadamu e daada men Hawwa. O tagi ko woni nder duniyaaru fuu.

Sey Aadamu e Hawwa nuddina Allah tan, be njaɓa baawde maako dow maɓɓe. Burino be ngetta Allah ngam ngeendam e seyo nder ndimi fuu. Ammaa cubol hokkataa hayru, to tagu subu kalluɗum, o heɓan bone.

Nder jarne haa Aadamu e Hawwa njoodɗo ton, Saydaanu wargani Hawwa nder laawol mboodi. Ndi ɓuri dabbaaji ladde yoyre fuu. Ndi wi'i debbo, "Goonga na Allah wi'i, taa on nyaama haa leɗɗe jarne fuu?"

Debbo jaabi, "Min nyaaman diga biɓɓe leɗɗe jarne. Sey biɓɓe lekki gonki caka jarne, Allah wi'i: Taa nyaame de, taa meeme de ngam taa maayon!"

## Saydaanu fewani Hawwa

Mboodi wi'i debbo, "Woodaa! On maayataa! Ammaa Allah anndi, To on nyaami de, gite moodon maɓɓitoto, on laatoto bana Allah, on anndan ko woni boodɗum e kalluɗum."

Deftere Seniinde wi'i, no Saydaanu woni baaba pewe. Fakat, o esti debbo oo. O fewani mo dow Allah Jawmiraawo. Debbo oo yi'i lekki man welanan nyaamugo, ki fottani gite, ki woodi masin haa hokkugo hakkiilo. O hoo'i haa biɓɓe maaki, o nyaami.

Nden o hokki goriiko, gorko boo nyaami. Law gite maɓɓe maɓɓitake e ruuhuujji maɓɓe maayi. Be anndi be tembuɓe. Ngam maajum be kawti haakooji ibbi, be mbaɗi kolte.

## Aadamu e Hawwa nyukki yeeso Allah

Nde be nani sonyo Allah Jawmiraawo nder jarne, Aadamu e Hawwa nyukki yeeso Allah. Ngam be mbaɗi ko be ngidi, be dowtanaaki, be luutani Allah. Ruuhu maɓɓe maayi, be majjini kawtal bee Allah. Too, Allah Jawmiraawo ewni nedɗo, yami mo, "Toy ngonda?"

Nedɗo jaabi, "Mi nani ma nder jarne, mi huli ngam mi tembo, ngam maajum nyukkiimi."

Allah Jawmiraawo yami mo, "Moy anndini ma a tembo? Malla a nyaami biɓɓe lekki ki kaɗno ma mi nyaamugo."

## Naa min

Gorko jaabi, "Debbo mo ndokkuɗa mi, karjo o hokki yam biɓɓe lekki, mi nyaami." Allah Jawmiraawo yami debbo, "Dume mbaɗɗa?" Debbo jaabi, "Mboodi esti yam, mi nyaami."

Allah Jawmiraawo wi'i mboodi, "Ngam kuuwɗa d'um, a naalaama caka dabbaaji e kuuje ladde fuu. A yahan dow reedu ma, a nyaaman mbulwuldi lesdi balde ngeendam ma fuu. Mi waɗan konnaagu hakkunde maada e debbo, hakkunde danygol maada e danygol maako. Godɗo danygol maako naman hoore ma, an boo a ngatan teppere maako."

Too, kuudi di dow Saydaanu woni aartuudi man nder Deftere Allah. Nyalaade waran, Allah neldan kisnoowo danyaado e debbo ngam jaalaago Ibliisa. Nden Allah wi'i debbo, "Mi duddinan luuwe danyki ma. A danyan bee bone. A yenwan gondal bee gorko ma, karjo o laamoto dow maada."

Allah wi'i Aadamu, "A nanani debbo ma, a nyaami biɓɓe lekki ki kaɗno ma mi, mbi'mi: Taa nyaam ki. Ngam maajum lesdi ndi naalaama ngam daliila maada. Bee bone nyaamrata haa mari balde ma fuu. Ndi fudnanan ma gi'e e gingille, a nyaaman haakooje gese. Bee wulweende yeeso ma nyaamrata nyaamdu, sey to a lorake haa mbulwuldi, ngam haa maari koo'aada. An a mbulwuldi, haa mbulwuldi boo lorotooda!"

## Suddaare

Haakooji leɗɗe di Aadamu e Hawwa nyooti ngam suddugo ɓalli muudum'en, di nafanaay be ngam suddaare. Allah waɗani be limce bee laral ndabbaawa. Allah hirsi ndabbaawa laaɓɓga ngam suddugo be.

Ngam sababu Aadamu, hakke e maayde naati nder duniyaaru. Allah iinake suddugo sooynde dowtaare yimɓe, koo nde ko aarti tageeki duniyaaru. Waato suddugo hakke bee maayde laaɓɗo timmuɗo. O anndino yimɓe fuu cala baawde maako, kadi be ngidi laataago Allah laamɗo dow ko'e maɓɓe. Allah inndiri dabare wudingo baawde mum, d'um hakke non. Ngam Allah yiɗi koomoy nedɗo fuu, o iinake neldugo kisnoowo, mo maayan ngam hokkugo yaafuye hakkeji haa yimɓe fuu.

Too, Allah Jawmiraawo wurtini Aadamu e Hawwa diga jarne Adnin. O haɗi laawol lekki ngeendam. Diga nde Aadamu waɗi hakke man, doole maayde reenanan yimɓe fuu. Fuu e non, nder taariha Allah, woodi tammunde fakat.

## Kayinu e Habila

Baawo maajum Aadamu nasti haa Hawwa, debbo muudum. O reedi, o danyi biɗɗo gorko, o inndi mo Kayinu. Baawo maajum o danyi fahin gorko

bi'eteedo Habila. Habila laati gaynaako dammooji, Kayinu boo laati demoowo.

Too, nyande go'o, Kayinu waddani Jawmiraawo dokkal haa yaamle ngesa maako. Habila boo waddi dokkal haa aɗi dammooji muudum payɗi. Jawmiraawo yerdi Habila e dokkal maako. Ammaa Kayinu e dokkal mum, o yerdaaki. Kayinu tikki masin, hippo yeeso muudum.

Allah yami Kayinu, "Koni tikkuda? Koni kippuda yeeso ma?"

Allah sifinori Kayinu no maayde ndabbaawa woni kirseteenga. Kalkal bana haakooji ke'ay ngam suddugo hakkeji Aadamu e Hawwa. Nonnon boo, dokkal biɓɓe leɗɗe waawataa hoosugo pella yiyam ngam suddugo hakke.

Allah wi'i nde Kayinu sali waddugo ndabbaawa ngam kirseteenga, wargini tuurtol maako. Kayinu sali rewirgo Allah bee laawol ngol Allah sappini. Deftere Seniinde don wi'a no dokkal Habila holliri nuddinki maako haa Allah, ammaa Kayinu holliri sooynde-nuddinki.

Allah wargini nder Deftere to yiyam rufaaka, hakkeji njaafataako sam. Kayinu sali dowtanaago Allah, ngam maajum o waddaay kirseteenga. Ammaa o do'ini cadeele maako dow minyiko Habila.

## Mi anndaa koodume

Too, nde be ngondi nder ngesa, Kayinu ummani deerdiiko Habila, mbari mo. Jawmiraawo yami Kayinu, "Toy deerɗa Habila?"

Kayinu jaabi, "Mi anndaa! Mi aynoowo deerɗam na?" Allah wi'i, "Dume mbaɗɗa? Nan le, yiyam deerɗa don wookanammi diga lesdi. Jonta kam a nalaado, a ta'aado diga lesdi ndi'i ndi maɓɓiti hunduko muudum ngam jabugo yiyam deerɗa e jurggo maada." Kayinu dilli, seedi bee Jawmiraawo. Ngam tuurtol maako mbar-hoore fuddi nder duniyaaru ndu e saare boo wonni.

Allah barkini Aadamu e Hawwa. Be ndanyi biɓɓe duudɓe, worɓe e rewɓe. Duubi caali non.

Jippaaki Aadamu e Hawwa puɗɗi hebbingo lesdi. Ammaa Allah yi'i no halleende yimɓe duudiri haa lesdi. Anniyaaji e numooji berde maɓɓe kalli tum. Jawmiraawo mimsiti tagugo yimɓe, bernde maako naawi.

Ngam maajum Jawmiraawo wi'i, "Yimɓe be tagmi d'um'en, mi natinan be diga lesdi, kamɓe e dabbaaji e laadooji e colli, ngam mi mimsiti tagugo d'um." Ammaa Nuuhu hebi mo"ere yeeso Jawmiraawo. Nuuhu o gorko goongaajo, o walaa feloore nder jamanu maako.



# Nuuhu walaa feloore nder jamanu mayako

## Nuuhi sehi koombowal

Allah wi'i Nuuhu, "Mi don yi'a timmoode tagle fuu, ngam lesdi heewi toonyaare maɓɓe. Ndaa, mi halkan ɓe bee lesdi. Waɗan hoore ma koombowal ngal leɗɗe. Sey a waɗa cuudi nder maagal, a sukka ceekli maagal bee taari, nder e yaasi fuu. Ndaa ni kuuwrata ngal: njuutirka maagal piyande temedɗe tati, njaajirka maagal piyande cappande jowi, towirka maagal boo piyande tati. Sey a waɗa wurde haa koombowal, nde filande woore, haa les mbippu maagal. Waɗ dammugal koombowal haa caka wuttudu maagal. An, debbo ma, sukaabe ma tato e rewɓe muudum'en poti naatugo nder koombowal ngal. Haa geetum, mari bandu fuu, hoo'u didi didi nder koombowal, gordum e debbum, di kisa hawtaade bee maada. Haa colli fodde asli maaji, e dabbaaji fodde asli maaji. Nastin didi didi bee maada, ngam hisnugo yonkiiji maaji. Hoo'u boo nyaamduuji feere feere, siga di haa maada, dum laato nyaamdu ma bee maaji."

Nuuhi wadi bana non. O huuwi ko Allah umri mo fuu.

## Be njanci Nuuhu

Too, nde Nuuhi sehi koombowal, o waajini yimɓe halluɓe ɓe'e. O wi'i, "Saliibe teddingo Allah, kamɓe kalkan!"

Ammaa kamɓe fuu ɓe torri Nuuhu, ɓe njanci mo. Bee maajum fuu Nuuhu bee saare mum nuddini Allah. Nde wakkati wadi, ɓe naati nder koombowal. Allah maɓɓi dammugal.

Too, Allah wadi haa iyeende tobi dow lesdi, haa bulduɗe luggeenga mangga pa"iti nyalawmaaji cappande nayi e jemmaaji cappande nayi. Ilam tuufaana wari dow lesdi nyalɗe cappande nayi dow lesdi.

## Allah reeni Nuuhu

Ndiyam ɓesdi masin dow lesdi, efti koombowal.

Ndiyam dam heewi lesdi fuu, duudi masin. Koo kooseeje towɗe les asama fuu cuddaama bee ndiyam.

Mardum bandu fuu waati, dum ko waancata dow lesdi: colli e dabbaaji e ko durata dow lesdi e yimɓe fuu maayi. Dum fuu dum natti e lesdi. Sey Nuuhu luttu, non boo ko wondi bee maako nder koombowal.

Too, Allah siftori Nuuhu e dabbaaji ladde e dabbaaji saare di ngondi bee maako nder koombowal.

Allah wifni hendu dow lesdi, ndiyam usti. Baawo maajum koombowal dari dow hooseere Araraada. Ndiyam tokki ustugo haa warugo lewru sappooru. Baawo balde sedɗa fahin lesdi yoori, leɗɗe mawni.

Allah wi'i Nuuhu, "Wurta koombowal, an e debbo ma e biya'en e rewɓe biya'en bee maada. Dabbaaji gondudi bee maada, ko mari bandu fuu, di ngurtoto bee maada."

## Kebbine duniyaaru

Be fuu ɓe ngurti, ɓe nyalli. Nden Nuuhu wadi kirsaaɗa. Baawo maajum Allah barkidini Nuuhu e ɓiɓɓe mum. O wi'i ɓe, "Duudine, kebbine duniyaaru. Leɗɗe ndimɗinooje de ndokku-mi on ngam nyaamdu. Ko waancata, geetum fuu laatano on nyaamdu. Mi hokki on dum bana ndokkirmi on haako hecco. Sey kusel bee yonki muudum, waato bee yiyam muudum, taa nyaame dum. Ammaa to godɗo mbari nedɗo, godɗo oo foti maayde. Koomoy rufi yiyam nedɗo, yiyam muudum rufe bee junngo nedɗo, ngam Allah tagi nedɗo dow jaati muudum."

## Mi reenan alkawal am

Allah wi'i, "Min kam, ndaa, mi haɓɓan alkawal bee moodon e danygol mon baawo moodon, e mardum yonki ko wondi bee moodon

fuu. Mi haɓɓan alkawal am bee moodon, ngam taa koodume mardum yonki meeta nattineego bee ndiyam tuufaana. Taa ilam meeta wadugo boo ngam halkugo lesdi.

Ndaa ko woni alaama alkawal ngal kaɓɓanmi hakkunde am e moodon. Mi waɗan lagaawal am nder duule. Kangal laato alaama alkawal hakkunde am e duniyaaru. Koondeye njahrmi duule dow lesdi, timotimoogal wangi nder maaje, mi laaran ngal, mi siftoran alkawal am bee moodon e tagle am dow lesdi fuu."

## Demngal gootal

Baawo Nuuhu, asliiji duudɗi ngari. Duniyaaru fuu wolwi demngal gootal e bolle goote. Yimɓe ummi fuunaange.

Be mbi'mbi'tiri, "Sey en nyiɓa berniwol e suudu towndu. Hoore maaru yotto asama, ngam haa mbaɗanen ko'e meeden innde, taa en cankito nder duniyaaru fuu."

Bee wolwugo bana ni, ɓe cali huuwugo fodde umroore Allah ngam hebbingo lesdi fuu.

## En njiiba haala maɓɓe

Suudu towndu ndu ɓe puɗɗi nyiibugoo ndu wonino ngam sujidango naange, lewru e kooɗe. Yimɓe cubi sujidango tageefo Allah. Be cakkini Jawmiraawo. Allah laari berniwol e suudu towndu yimɓe ɓe njiibi. Allah wi'i, "Ndaa ɓe lenyol gootal, ɓe don mbolwa demngal gootal. Ko ɓe kuwi do, dum fudɗoode tan. Ko ɓe nufoto fuu, walaa ko haɗata ɓe huuwugo dum. Ngare, en nijippo, en njiiba haala maɓɓe, taa ɓe paamotira."

Too, Allah jiiɓi demngal maɓɓe, o sanɗiti ɓe diga ton nder duniyaaru fuu, ɓe acci nyiibugoo berniwol. Ngol ewnaama Baabila, ngam haa ton Jawmiraawo jiiɓi demngal yimɓe duniyaaru fuu, duudɗina demɗe maɓɓe, diga ton boo o sanɗiti ɓe nder duniyaaru fuu.

## Konngol Annabi Daawuda

Jawmiraawo don laara goonga'en, noppi maako don kedito boiji maɓɓe.

To goonga'en torake Jawmiraawo, o nanan, o

wurtinan ɓe caɗeele maɓɓe fuu,

O ɓadiido ta" a-berde'en.

Maate, ngi'e no Jawmiraawo woonirta yimɓe, barka

laatanto dabbitanɗo hisrude haa maako fuu!

(Diga Jabuura 34)

# Mi yidfi 6e

Haala Kelifed diga Engelteer

Too, mi numi nder bernde no Allah yidiri yeccugo yam huunde woonde.

Min bee debbo am, min nanggi laawol billiingol ngol diirtake hooseere nde.

Nde min jippake hooseere nde, min ndaari haa wakkere nande, hooseere diirti bee sembe, ngol borwungol boo.

Too, baawo diirtoode mortimoroonde, walaa huunde, sey gaaruwol luggungol.

Lesdi ndi daayi meetaaji temedde haa les.

Law ni min nani sukayel deyel ngel wooki bee kulol mangol.

Min paami no cukayel ngel yani, jippake bee jaawal haa les gaaruwol luggungol ngo'ol.

Nde mi yeeyake, mi laari bingel ngel jippake dow reedu maagel non.

Mi laatake bana boosdo ngam kulol mangol nde mi anndaa no mi hebrata laawol wallugo ngel.

Mi laari haa nder gite maagel, cukayel ngel eewnitake ngam ballal, ngel wooki boo bee sembe fuu.

Mi waawataa yejjitigo gite maagel bee kulol mangol ngol, ngam ngel yi'i no ngel jipporta haa maayde fakat.

Too, baawo wakkati sedda, min ngi'i gorko doggudo mo jippake heedi cukayel haa dow diirtorde hulnoonde.



Bana noy gorko oo hefri dabare doggugo law dow diirtorde nde bilaa do'aago.

Dum kayeefi fakat!

O don yaawa, doggi haa o saalo sukayel ngel.

Nde sukayel ngel hawtidi bee maako, o nanggi ngel, lutti sey meetaaji tati tan haa be njotta haa les diirtorde.

Gorko oo harli ngel bee boodum, kanggel boo woyi bee woyugo masin.

Mi faami gorko oo woni baaba cukayel ngel.

Be ciwiti sedda non, nden o fudfa eengugo hooseere sadnde bee bingel maako.

O laarndi bee foondugo kala falande fuu. Ni o jippitake bee hakkiilo.

Nde be njotti haa dow laawol o hokki cukayel ngel haa daada maagel.

## Radiyo e ordinator



A heban hedaago kubaruuji seynooji di'i haa radiyo ma bee **Fulfulde** (Adamawa).

**Trans World Radiyo** (Meeriji 31; kHz 9510), kiikiide don fudfa bee 6:30 haa 7:00 (wakkati Mali e Kot Diwaa), 7:30 haa 8:00 (wakkati Benin, Cad, Gabon, Kamerun, Centrafrique, Niger, Nigeria e Togo)

**IBRA Radiyo** (Meeriji 31; kHz 9610) Kala kiikiide fuu don fudfa bee 7:00 haa 7:15 (Wakkati Mali e Kot Diwaa); 8:00 haa 8:15 (Wakkati Benin, Cad, Gabon, Kamerun, Centrafrique, Niger, Nigeria e Togo) Niger tan: Salaasa fuu bee 16:00 haa 16:30, 100.0 FM; Alat fuu bee 15:15 haa 15:30, 107.77 FM Nigeria boo haa Jos **PRTV** Alarba e Jumbaare fuu bee 16:45 haa 17:00 dow MW


**Cameroun Radio Télévision-CRTV** (Maroua) FM 102.5 mHz, Altine kiikiide 9:00 haa 9:30; Asawe e Alat kiikiide 6:30 haa 7:00

**Cameroun Radio Télévision-CRTV** (Garoua) FM 101.2 mHz, Altine haa Alhamiisa e Asawe, kiikiide 6:30 haa 7:00

**Cameroun Radio Télévision-CRTV** (Maroua) FM 94 mHz, Altine, Salaasa, Alhamiisa, Jumbaare kiikiide, 10:15 haa 11:00, Alarba kiikiide 8:30 haa 9:00

**Rural Dana Radiyo** (Yagoua) kiikiide fuu 6:30 haa 7:00 Haa do a waawan jangugo Deftere Allah bee fulfulde!

A waawan boo télécharger/download Deftere fuu caahu: <http://visionneuse.free.fr>



Nde mi don laara ko wafi haa yeeso am, mi faami, kanjum ko Allah yidi hollugo yam.

Allah wi'i yam: "A yi'i no bingel ngel yani haa maayde.

A yi'i noy ngel laarani baaba maagel e noy ngel eewni ngam ballal haa maagel.

A laari noy baaba maagel doggi jonta jonta ngam hisnugo bingel muudum bilaa hulugo maayde mum.

Bana ni, mi yidiri biibe am ben, be mi tagi be.

"Yoo, naa min on mi nastini yiide nde'e nder bernde baaba oo?

Noy mbi'da, min mi burataa neddo mo mi tagi dum?

Naa min mi Allah na? Walaa goddo feere sam.

Dum min on mi wafi yiide nder neddo.

Yiide am ngam biibe am buri yiide baaba cukayel ngel piw.

Nde buri dum laabi ujineere fakat. Ngam dume a seki yiide am nde?

Yeccu yimbe am no mi yidiri be."



Ngam haa min mbaawa neldugo ma **Badake** haa yeeso, windu innde bee adires ma fuu haa les, waato taa yejjit wuro Poste maada bana ngi'da haa do ni:

**Limgal 7**

Innde am: .....

BP/POB am: .....

Fattude am: .....

Wuro/berniwol bee lesdi am: .....

Useni, windan min limgal noy ngidfa sendango wodbe nder lebbi joweego fuu: .....

Min ngidi neldugo ma deftere bee jangle dow annabo'en. To a yidi besdugo anndal ma dow kubaruwol man, windu le "mi yidi" haa do ni: .....

Windu dum haa: **Badake, BP 73, Maroua, Cameroun**

● Malla **Badake, BP 240, Bangui, République Centrafricaine**

● Malla **Badake, PO Box 6797, Anglo Jos, Nigeria**

● Malla **Badake, Willington, DERBY, DE65 6BN, UK** malla email: [pulaar@soon.org.uk](mailto:pulaar@soon.org.uk)



## Dokkal

### Dokkal ngam ma!

To a heban neldugo min inde bee adires yimbe jowo yidibe jafgo Derewol **Badake** haa yeeso, yettoore mawnde haa maada!

Ammaa min ngidi neldugo ma boo caahu, waato **Kaset** bee Fulfulde. Too, sey yeeso!

Si tawi a jangat Pulaar haalan minen. Min nuldut ma **Booyataa**.